





P1~P8



姑嫜雙鬢白大母少媛賢中表成梁案膏燈佐祖鞭  
綺羅休近習井臼自今年屢世延陵好吾門婦德傳

其三

將仲慚予拙寒壇鑒伯兄總遵清白教空有友于名  
爲好母猶慮辛勤婦所程鳴雞江穎綻簪組報平生

其四


城南韋杜曲衡宇足相望旋馬雖無地棲鸞自有香  
寧親雲正近倒屣日逾長巷次因名著青楊井白楊

冬夜客齋對月

五言律

九

無異堂





我愛月何皎月偏增我愁一  
憶思百結萬里淚雙流  
逼雁叫寒渚挾霜侵做  
裘相憐莫相照鶴影暫  
僧樓

其二

朱幔恣歌舞晶熒寶樹枝  
清輝不解假冷趣獨予  
私引恨寒侵笛入吟秋  
滿詩平生情最重難遣  
五更時

陳伯璣閱余近草過辱推  
獎兼惠藏墨賦謝

首

此日論詩客陳思傑建安  
一源周道沒六代廣陵  
殘牛渚光賢跡廬峯天  
外寒梁鴻妻子在莫作  
出關看

其二

才名難自晦世競擷幽芳  
珠爛雕蟲草金分錦豹  
囊雲深古寺樹月落大江  
霜得句頻相許天涯足  
雁行  
啗公席上送妃瞻歸秦  
卽送子直入粵分韻得

八齊

左生同巷北李子客祠西  
午夜樽常倒山房石共  
題心原驚去雁話每到  
荒雞好友比鄰誼那堪  
一日迷

又得二蕭

庭椿三歲隔池草一官遙  
難挽西歸馬愁牽南去  
輶



望迷關路樹寒放嶺頭條不盡臨岐恨荆扉任寂寥  
懷炎牧客洛

衰楊千里道忽與素心違芳草此時沒孤雲何處飛  
青山當北盡鴻雁解南歸雪意長空滿懷人獨掩扉

其二

作客今非昔梁園似昔無藥當防衛展米莫薄胡奴  
名久人爭識吟成調豈孤故山老梅樹寒蕊漸扶蘇  
南人臨北地每覺旅愁多月落卽行路冰堅莫渡河

其三

乳鴉衝馬起獵犬逐鷹過大野霜颼勁綈袍意若何

其四

思君常不寐別緒五更中家信隔多日村醪難禦風  
遊原非得已客豈救奇窮白髮含飴際憂懷俯仰同  
何令遠自豫章歸過訪值病足未得晤東予以  
詩兼索畫扇依韻荅之

平生幾量屐齒折過從時抱膝虛良會捧心強和詩  
勝遊彌重畫信我樂忘疲爲問潯陽隱君曾弔續之

其二



豫章今日紙當似洛陽時珠玉無多字江山盡入詩  
長才推爾捷奔命覺予疲好待扶筇出從君任所之

李疇岫先生署中同張文九巫巒穉張濬之方

與三敦四謙六江在涓小飲時徐日贇師容

幕中

桃李陰皆舊椒蘅香本親鶴聞歌忽舞月照酒偏新  
客冷依郎署曹閒狎故人漏深朝騎促帶醉整簪紳

出都雜詠

一片荆山石千年燕市臺足甘因玉削骨豈為金來

自信寧嫌拙狗時豈盡才鄧林求太急斤斧反相催

其二

上林春獨返瘦馬逆風寒舊業半年別新愁萬念闌

去時書鄭重歸橐酒艱難浪跡防人問觀空學自寬

其三

下馬憇村店羣知來帝京人多詢國事客自諱書生

野叟究何意微言似有情笑辭無可語長歎逐風行

其四

一路入深碧三春委落紅斷碑畱塚雪老檜嘯祠風



鸞不轉荒陌鳥應眷舊叢此畚歸獨早莫遣故山空  
其五

土俗勤耕織亂餘纒幾家頽垣籬漸補荒地稅從加  
帶露剪桑葉犁雲穿棗花牀頭有新釀樹杪布帘斜  
其六

好風塵不起鳩語餞春光棚倚垂楊市珠炊小米香  
近祠遊少婦古髻襲宮粧陌上看車馬尋芳到夕陽

其七

通水春光淨晴雲照四鄰麥莖編帽女荷葉釣船人

雞背雛爭坐魚吹鳥下頻門前桃李實餉客意相親

其八

波遶成樓壯城週闌闐聯蠶收椒樹繭犢貼柳稍錢

漕水堤高屋關橋開閉船琵琶酒壚妓寫怨訴風前

其九

征衣當夏重四月尚羊裘未午倦思店臨河逸羨舟

碧堆楊柳溼香細豆花秋村鼓迎神曲曾能解客愁

其十

白日易西下烟寒鴉陣喧馬爭入林路客慰傍城村



到枕驚更漏看總數月痕同行人漸熟與寢訂朝昏  
其十一

微才只自好不計與時違雙闕半牕夢三年一日歸  
峭風梳骨入倦羽背人飛擬蒔東籬菊秋尊待白衣  
其十二

嬌穉隣兒女望慵花落時遙知聞信罷第數到家期  
顏面慚鄉近風波慰放悲北門將母處斑彩舊茅茨

東平州弔梁灝宅

我來梁灝宅憑弔獨沾襟豈角小兒勝難灰午夜心

晚風爭白日短髮冷華簪得失迷人志因君感更深

其二

博得空城裏灰餘華表存姓名寒碣字風雨苦吟魂  
難易一庭別後先雙闕恩蒼公深厚意書塚尚沉寃  
還家

陰晴南向道一月計程長關路見高樹田歌趁早秧  
近鄉人漸識望櫪馬知忙憔悴慚隣里畱城待夕陽

其二

翻藉到門面遲回却步頻苔迎雙屐破花閉一庭春



碧玉溪山色青衫京洛塵舉家占鵲語深念病歸身  
其三

難副嬌兒喜強開慈母顏征衣憑久綻敝屨累空還  
百慮到方釋多愁心已頑愧聞人慰語蓬戶幸長關  
其四

香暖松醪熟枕陳竹牖幽夢還揮客淚醉莫遣真愁  
生事迫深夜經營憐去秋一枝慙寄廡更作賃春謀

其五

勞定病方出心閒憂轉多藥難療恨骨天不聽悲歌

明月弔冰雪青山冷薜蘿鏡中潘岳髩三十早婆娑

其六

我心輕得失世眼判榮枯曾負何人望依然舊影孤  
憂來警筆硯歸又憶江湖惆悵雨風夕高吟擊唾壺

湖汎

秋色歸明鏡寒光冷翠顏波平天作岸風動水移山  
鷺影飛疑墜魚情躍亦閒古今簑笠貴烟月采相關

水漲

水面辨村落悲歌漫解嘲白魚穿蕪壘花鴨浴烏巢



潮響山腰冷天低浪影交老農學妻子編網坐松梢  
其二

不知真宰意曾否念艱難庾癸一春望乾坤萬頃寒  
浮生迷極浦舊業托狂瀾菰米雖堪飽香秔急大官  
見雁

數載嗟行役逢君馬上多江湖憐更瘦霄漢近如何  
字破寒潮月聲殘斷港波平生天外意豈逐稻梁過  
繁浦喜逢陳遐伯  
遐伯右手病廢書畫雕鏤俱左腕  
握手振長嘯三年月落情焚腸寒到老左腕右羣英

野鶴青冥意煙巒白髮名浮丘有僊宰待爾繪花城

其二  
其詩以新羅國使臣入蜀果曾入

葉落響山磬雲環起竹樓折鐺千佛火禿筆一天秋  
書應前生讀吟偏意外幽孤行行更矯七上二峯頭  
生平未讀書而詩出自克口  
往往入勝有孤行草刊本

其三  
兼懷  
尺木

盜來天地氣放出白毫光墨舞大娘劍手飛青女霜  
辯雄茶亦醉篆古石俱香梅下人如舊平分顧陸芳  
冬日再客繁浦偶步郭外喜黃鳴僊同年舟適



貂殘仍短鍊雪立正晨星一望入秋水孤帆落暮汴  
僮先迎我喜舟未到城停重觀夢中面經年眼倍青

其二

別時俱在客相訂共尋師涼洛又塵土湖山空釣絲  
壚沽當日酒花認去年枝枕被温寒榻天涯慰客思

同鳴僊子履子貞遊馬入山州八衣筆一天詩

騏驥奔騰怒兒孫羅列頻行空真有馬入漢果何人  
萬古峙奇骨千峯聳勁身帝閭知不遠蒼狗勿狃狃

露月峯

片石如雲千尋一竇每年中秋子夜月光全露外此則皆虧也洵為馬人絕景

玄鐵片雲薄千尋一竇懸全身秋半出素面鏡中圓  
期訂霜娥信巧疑媧后偏年年良會少不獨鵲橋邊

石屋峯

屋自清冥落巖巖一柱支置身原有地容膝豈無枝  
風雨苔侵牖雲烟蔓作帷想應歸玉室畱此欲棲誰

雙桂峯

雙桂何人植千年久不花入圖仙客老倚漢紫陽斜  
金粟影還並南華日正賒小山寧足羨天半隱朱霞



五老峯

世難麋鹿聚五老集偏長大坐天俱古無言象已忘  
睢陽圖可肖廬嶽跡同香面面看滄海曾栽幾度桑

羅漢峯

面壁笑多事出山徒自勞獨跌雙膝處盡俯萬峯高  
花雨忘耆臘香雲吐白毫巖頭小松樹移過北山濤

山寺

絕壁南朝寺鐘樓入紫冥竹侵人面碧山剩佛頭青  
結伴猿窺菓多年鳥念經齋堂禪律淨携酒上前亭

其二

溪響環門水無人收板橋種茶頻曬子採藥忌傷苗  
僧老鋤偏力山寬寺有籥竹間饒隙地隨意結團瓢  
同遊馬人歸夜經范冲信宿山家來日便遊龍

華

朝挾許詢具晚尋鄭谷家馬驚霜澗月犬護竹籬花  
老酒燒黃葉寒蔬煮碧菜稍畦多取草枕藉夢偏嘉

其二

網鯽冰池破烹雌瓦釜供啓扉迎翠靄引水激朝春



重語昨遊地猶多未至蹤若思名勝遍須得野人從  
其三

小徑路還捷兼看幽趣多竹林梢過樹芋種葉欺荷  
馴鹿牌懸項藏蜂窠滿窠人家都倚石茅屋半牽蘿

其四

獸駭亂峯攢龍腥古瀑寒茶花霜蕊淡綿紙雪藤乾  
劔去雷丹井旗標舊斗壇欲行還暫坐未忍出雲端

龍華洞 邑誌止傳丹桂洞中流泉翠壁清邃陸離世所罕觀夏間曾流出蘆葉數枝始

其知源通大江也

不分幽奇境徒因丹桂傳洞舍小日月源接古山川  
珠隱飄龍睡鬟鏤螺黛妍恐流花片出迷卻釣魚船

其二

畏觸風雷怒潛遊未敢譁到來心已冷窺去路還賒  
錯落金垂乳琉璃碧漾沙激合香齒頰敲火試烹茶

買得藏墨數笏

金壺書後汁蓮匣瘞餘珍盈袖曾勞夢臨池未覺貧  
江山添句好烟雨入圖神自愧無長物唯同鉢硯新

除日還家



年華牛馬走南北雁鴻飛指屈今宵盡心疑隔歲歸  
長筵忻共接短缺竟全非冀得更新律茅堂暫息機

其二

逝年凡五客此日僅三還親老家難棄身勞事轉艱  
火添商陸煖詩祭浪仙閒預擬椒花頌屠蘇一解顏  
奉已亥秋再行會試之詔促治北裝感賦

桐已爨餘尾麻宣闕下音一年纔泣玉隔歲又懸  
金旅進心逾怯重來感益深篋中殘蠹盡春草自抽  
心

其二

細帙半年字沙棠萬里舟金緣懷策盡囊以典衣羞  
異數秋期近貧裝午夜愁浮名且莫論最苦出門謀

出門留別三弟

伯兄紗帳遠五月未言歸我復出門去親當惟爾依

白雲懸畫舫黃卷勝斑衣小阮憐嬌穉東頭命掩扉

留別項于磐表叔

兩兒受業門下

異姓竹林誼忘年骨月深一經三逕日萬里兩離心

脫粟貧厨玉家書遠客金蓬門閒鳥雀好閉綠蕉陰



王鑒公以古歌贈別賦謝  
古調壯寒凜王郎斫地歌翻愁憐我切未必患才多  
劔短重遊洛帆孤促渡河冰純懷袖字早已策蹉跎

江上同楊欽四

出港濤聲壯奔流萬派同水昏黃蔽日雲點黑藏風  
書亂常支枕裝輕暫減蓬劇談分午夢飯罷即矇矓  
楊柳青藏雀蘆花白點鷗江城浮水面祠屋占磯頭  
迎棹漁郎市巡堤野老愁圩田連歲沒潮定望秋收

金陵喜晤伯兄於館舍

早別棕陽棹時思桃葉瓊擬君歸午日詎我晤南天  
望共高秋切裝惟將伯憐一春離緒劇剪燭未成眠

其二  
春夜夢從先君墓翼日即往起  
之改厝別山未及待兄歸也

龍眠七載墓血盡一坏成宅兆因人卜山形入夢驚  
城原疑枕石寢已別安楹獨力荷鋤急重陳猿共鳴

其三

子客我行役貧家遠道愁寧親憑小弟求友附扁舟  
江勢黃流急天心白戰秋魚龍深夜起雷雨迫汀洲



訪胡君渥先生適西頑潛伯家兄先至

先生先子友高蹈早違時蘆荻花中屋芙蓉葉裏卮

菜思慈母手庚寅春予自先生家買歸棹夫人親為製路菜頃已仙逝矣藥覓老

僧醫庚寅蔣誰菴老伯旅病借寓其家先生手調參朮者半載入夢三年別矣威

到恐遲庚寅血盡一...

其二兼柬令兄星卿先生

得禍因貧活無家為俠忙相過皆素侶不約到茅堂

親摘蔬供飯旋開鮓佐觴笑歌隨二仲澤畔共徜徉

訪錢西頑時卜居與星卿君渥為鄰

衣冠渾不定忽爾忽山人遠僦橋南屋為親舍北鄰

瓜分垂架蔭藕買出泥新醉後成佳句高吟博婢嘖

覺浪大師貽我語錄招瞻天界西頑相期偕往

以同舟人即發不得請感賦

古佛拈香處煙深般若臺書函宗旨秘芋待異人煨

蓮座依雲切蘭橈逐浪任堂頭兼老友芳訊忍相猜

舟行聞警同欽四

烏榜牽漕水蜃樓揚海波王程趨敢後鄉思亂如何

內顧親同老相寬信或訛論文還樹幟征戍看荷戈



曾庭聞舟中同江在涓小飲賦贈兼謝佳什  
 遊遍中原地藩王幕府高才雄心自苦骨瘦氣偏豪  
 風雨敲詩細江湖泛宅勞賀蘭山下過誰贈呂虔刀  
 庭聞向客平西以寧  
 夏籍中陝西鄉試

其二

載得蘭陵酒頻招畫舫人遠山蓬底翠秋水匣中神

檄草陳琳舊文移博士新遺書多諫草好續掖垣春

陳行舊檄庭聞策其進取尊  
公諫垣聲至今猶赫赫也

吳止菴除福州

止菴奉命候試學使已久  
頃忽除邊郡時駕幸湯泉

比部文章伯冰衡久共推忽催五馬去不待六龍

回荔子傳香久芙蓉列幔開郡山有芙蓉洞東南風浪惡驅

鱷借長才

送李念菴司李湖州

念菴與余及止菴鳴僊清  
源都門久共晨夕頃別去

甚悵宣州之官  
僅一二日程

三年曾佐郡再命更明刑雪夜蟻同泛霜天雁獨聽

溪通茗水碧山接敬亭青官署多藏酒他時醉客星

出都別方蛟峯同年

吾鄉諸公近時解組甚衆  
而涓陽一門尤苦遠謫都

門惟蛟峯一  
人居比部



六年京洛騎風雨醉藤軒老樹驚霜隕名花獨樹繁  
 官貧交反厚性俠俸難存客裏親情久翻愁對別樽  
 故國孤城在金甌壯帝威狂鯨隨浪沒新燕好春  
 歸驛樹花逾暖宮雲香暫違鶯聲遷日近彩翼望南  
 飛

陳子昭自蓼州過訪兼懷黃秋涵暨諸同學

昔年孤榻夜冷雨碎蕉心鴻雁幾時別故人今遠尋  
 風仍瓊樹舊雪覺玉峯侵叔度徒勞夢相思尺素深

其二

劔石鋤難遍荒田稅自逋寒花淹日月秋水負江湖  
 金散貧還俠詩窮淚欲枯故交徐太史為爾重狂奴

莘叟先生  
時辱存問

懷覲侯大兄自漢陽遷辰州

六年為宦地偏與楚山親書卷重窺西砂床舊出辰  
 官貧兒女累署隘草茅新雁影愁逾遠臨流想素鱗

二酉山在郡治次中有藏書  
千卷千歲砂床產自辰州

其和物大小備益習此喜聞前蘇雲賦藪聖刺



老親吟咏健大小謝盈階地喜閒情稱雲知遠望懷  
沾恩誇皂蓋驅我尚青鞵南郡湘潭近遺風父祖偕

漢志二千石皂蓋昔四伯  
父刺荆州先祖令湘潭

六平越州寄懷錢亦友孫易公蔣潛伯虎林

兩越後先客分飛雁羽單黃花隨地瘦紅樹隔江殘

秋思不成夢故人相見難裁書寄湖上山覺會稽寒

其二

蔣詡辭荒徑錢王有舊樓客星原聚越名士昔依劉  
酒羨湖亭醉吟聯海驛秋孝廉船尚繫吾已任扁舟

潛伯時為劉海門邀至  
易公以公車尚留湖上

西資蘭若贈鄭義公尹庚二二孝廉

義公以詩  
見投更索  
稿討論決旬  
謬為推許

雙樹來雙鳳和鳴瑞世音同停千里御說慰十年心

無草稱奇字空囊只舊琴上林君到日新柳正垂陰

胡翀之招同鄭義公茹仔蒼凌嵩生

寶珠橋北岫高枕玉峯明舉室香雲裏孤琴烟水橫

壯懷邊馬健仔蒼紀塞上  
遊示以佳刻長嘯夜鳥驚旅寺吟聲近

招携石磴平



贈姜武孫兼懷令叔弱翁同年

舊識仲容好從君大阮聞絃聲清自遠鶴意迥無羣

寒水溶溶玉高峯淦淦雲三都有玄晏筆硯未須焚

武孫為余序昌谷註更以所著古文辭索于序

曲水會集

為祁止祥先生暨孟子塞董子一子播子方子長子猷姜武孫桐音開先

行先朱敬身晉叔凌嵩生沈康臣祗臣徐克家毛大可祁奕慶奕喜王非泠胡二禮馮各

參孫德參與參輩招同葉星期

何昭

侯以曲水為劉念臺倪鴻寶祁虎子諸先生

論交地也嗣蔣虎臣宋既庭孫喈公卧公葉

元禮宋楚鴻史濱若朱錫曾傳德孚屢為勝

遊必余

借焉

道在交惟舊時清名自尊原期今日會長令古人存

天馬風雲色梅花霜雪痕江湖波正濶為溯眾流源

正始會集

姚越士俞賡之邵公南其人胡寅公徐伯調陸敘伯王子御子用尹錦公

姚子慎暨諸同學招同劉星度孫

喈公卧公吳佩遠蔣馭閑丁抑之

大雅今誰托相期正始功源傾三峽水花掩六朝風

夜笛香雲駐霜池古礪通南皮傳勝事吾道屬江東

東凌嵩生

蘇小峯詩人宋

轉竹

共客瑯玕集寒芳意獨親梅寒霜寺月雁報雪灘春

雙屨香中老千峯詩裏貧東南豐竹箭招我入林頻



雙鯢同虎臣皆公卧公入雲門舟中雜詠亦入林賦  
 波色出城碧冷冷沈鏡中試茶汲新浪停漿受輕風  
 一鷺寒烟白孤花小岸紅人家隱深樹沙轉竹橋通  
 外出其二

不待天晴穩遊心難久闕潮痕留岸石雨氣釀秋山  
 艇小人同載堤長僧獨還畫圖渾未易冉冉翠微間

其三

編網沙頭婦荷鋤原上人魚鰕成市晚橘柚出園新  
 河地輕官稅橋菴祀水神路隣秦望近冠蓋作通津

其四

山逼迴波急河分別派幽舟輕如着屐橋小更成樓  
 野服衣冠舊叢林竹樹畱地偏無水驛戎馬不須憂

其五

本覓幽閒趣翻令應接勞此身况羈旅到眼便蕭騷  
 近水耽攀柳依巖想結茅都緣北闕意忘却北山高

其六

太史遊偏壯孫登趣尚存已經探禹穴久共嘯蘇門  
 爨屨雲中涇孤舟水上昏當年思賀監一曲拜君恩



其七  
 縛竹載薪去城中  
 亭午歸鼠翻松子  
 落鴨踐稻孫  
 稀晚笛生寒吹秋砧  
 催夕暉當門看過舫  
 隨上釣魚磯

寧須尋絕巘  
 平野意偏長  
 護笋先刪竹  
 收絲早壓桑  
 乾坤餘此地  
 名勝更何方  
 聞說雲門寺  
 塵心到便忘

至平水舍舟共詣酒家  
 盡醉待月徒步夜分始  
 達雲門

溪流舟不上  
 十里徑徧長  
 共減笋輿費  
 來尋茅店香

醉延籬外月  
 遠踏寺前霜  
 茶具知難齊  
 分携謝橘黃

橘小而甘無核  
 上人呼為謝橘

其二

為尋野衲與  
 莫向酒胡迷  
 溪白連田澗  
 山青拂樹低  
 高吟欺嘯虎  
 緩步訝鳴雞  
 欲枕清霜石  
 寒鐘度竹西  
 將曙抵雲門  
 廣孝寺山僧烹茶止宿南閣

數聲清磬裏  
 喜已達雲門  
 寒袷披霜色  
 秋鐺煮月痕  
 醉餘忘禮佛  
 坐定乍聞猿  
 短榻分僧靜  
 流泉到枕喧

日帝登秦望  
 山絕頂望海人



白帝東巡日蒼龍驅百盤入雲難倚杖絕巘想鳴鑿  
膽壯疑身小心空放眼寬峩峩環拱石鵠立儼秦官

其二 喜曰靈雲門寒谷對靈山外說貧日

八方歸浩漭萬仞逼蒼冥地盡天全白山微霧隱青

久憐精衛拙難信石鯨靈幾載陽波濶梯航使久停

其三

石奇峯屢折山厚頂翻平沒碣苔衣積浮村水帶明

望疑三島近翠入五雲清搔首發長嘯多年猿狄驚

其四

山僧前引余與虎臣卧公直上巉巖將及  
幾墜覓路不得遂下至山半遇負薪叟醉

之以酒從旁徑紆迴數里始得達最高處越  
人罕有登者禹陵由中幹出歷歷在目前也

老僧久不出前導路還迷屐訝居人少酒為樵子携

枝分神禹廟瀑注若耶溪極目收全越低徊到日西

奉贈三目和尚

喜識名山面同叅老佛心一燈諸祖共六寺五雲深

野鶴自來去溪風無古今忘言香可悟會向木樵尋

其二

廣孝為雲門第一禪林宋高御碑特賜歷  
有名僧主之近為鄰刹欲侵其址寺田賦

重百畝  
就荒

古碑尋丈峙御筆幾朝新南渡人何在西來意獨真



霜侵香界冷稅重寺田貧近日紫衣貴都沾京洛塵

其三

和尚知虎臣精形家術尚以建造更索余雲門廣孝圖寺旁白乳泉為越水第

其環

溪楓樹大者數十圍余輩勉留三日

堪輿勞太史圖畫愧癡翁齋損三朝供禪分五夜功

泉香凝乳白楓老駐顏紅勝地傳終古天然仰化工

其四

層巖懸寺後選杖給同遊岸示無邊望峯期最上頭

雲烟封白日心眼豁清秋歸向蒲團憇高山觀面幽

若耶溪上三日師命筏送歸步至灣頭為別

竹橋明月杖來僅辨微茫寒色平鋪雪流澌靜咽霜

別山遵舊渚縛竹當慈航不數虎溪嘯松門暗夕陽

其二

難辭蓮座去休問采蓮人香香片雲沒波明白日新

圓沙下遠雁落葉駭游鱗宛似龍眠曲愁添鄉夢頻

西施山

為金子藏招游

一片沼吳石千年歌舞名彩雲吹不散流水靜還鳴

翠想粧時影花從行處生鷓鴣臺上過恍似杜鵑聲

吼山

山開一罅湖水中通深不可測舟從穴中入別有天地招提臺榭依巖臨池俱成絕



構俗稱此為水蕩南為旱蕩波中峯頂怪石參差旱蕩第未可容舟也

雪竇容舟入雲房倚磴深何年勞鬼斧破石浸天心

一穴吞江海層巖閉古今晨鐘兼夜笛常自聞龍吟

空明菴

吼山旱蕩為陶石簣先生讀書處先生沒後有子繼喪其媳因居此為尼山東南壁構一祀先生貌旁有白面生侍坐焉

鑿空開翠幄遺館秘殘霞石壁樓邊雨天池鏡裏花

藏書傳貝葉舊袖襯袈裟祀屋儀容近書生侍絳紗

蘭亭

張登子招同蔣虎臣丁抑之王治山孫喈公易公胥蕙公凌嵩生

想像蘭亭勝多因名士各林空荒草合曲變亂流鳴

日月詩文在山川先後行越來懽賞地惟此不勝情

鑑湖

放舟明鏡裏客况托滄浪天影入全碧雲情助冷光

坐深詩力定望遠道心長何必君王賜菰蒲曲曲香

南園

張登子別業招同王汝一宋旣庭葉星期王治山宋楚鴻葉元禮孫喈公朱錫鬯孫卧公胥蕙公凌嵩生舟泛

芳逕淨秋色到來生遠心樓平蘭渚近門閉鑑湖深

畫舫藤梢繫胡牀石角侵意中雙蠟屐今始踏雲林

其二



照池明碧水坐石染青苔山鼠驚初墜野花寒自開  
圖書前代蹟茶笋隔年培幽意紛相觸天然位置亦

其三

亂後畱遺構東山初服尊林泉千古事臺榭幾家存

松老舊巢鶴官竹剩有園日招詞賦客潦倒醉雲根

其四

蕙公覓所知未得

避兵羣妓匿遊事廢紅粧月想花間影雲迷簾外香

步分鄰衲杖句倩小奚囊襟被他時計迴波黯夕陽

東鍾赤松董克千金子藏

俱戊戌進士應授邑令

吏道需才子文章賈傳間花遲何處縣雲戀故鄉山

月影一尊共主恩三載閒近時郎宿隱湖海且開

顏

黃心甫閱余近詩過談屢日東賦

選詩當代手說恨見余遲風雅繫如線焯霜鬢已絲

派疑江北老論莫故人私偶得早梅句煩君一字師

登子贈硯虎臣贈墨共助予畫具詩以謝之

石原隨鶴戴

登子嶺南宦遊所携

潘是判花餘

虎臣藏自館中最久

好我

珍同賤宜人玉不如片雲凝紫溼御液異香疎擬繪



秋林色烟光自卷舒

來元成先生過訪感賦

先生起家吾郡司李時予尚釋

故鄉君宦日倚劔護江天未執花驄御纔迎竹馬年

青山存舊史紅葉臥秋烟廿載峴碑泣西陵渡水傳

同年李秩南太史假歸邀晤齋頭

太史辭丹陛秋林霜葉鮮牙檣漕水穩藥裹禁方傳

風暖宮雲遠恩深佛日全萊衣明賜錦別去只經年

其二 兼訊館中諸同年

匡床舊書屋花影任磚高山作秋吟色泉香午夢濤

江鱸時正美院馬鬣斲辭勞蓬島神仙侶矜揮珠玉毫

其三 余觀年伯在秩南未歸日

自違 雙闕騎獨上五湖舟官為瞻雲返余還載月

遊庭趨猶子早葉落遠人秋橘柚霜初熟分餐到蒨

緜

唐豫公先生以倪鴻寶先生遺稿見贈感賦

故老存忠烈遺文手自新珠光寒碧血鐵性劃青旻

鬼哭生前字魂幽句裏神夜深歌未敢雷雨恐相嗔

姜桐音招同黃心甫朱錫鬯令兄永忌蒙以新



什見示

素羽鶴同潔孤雲龍自吟身辭塵外早交擇句中深  
蕉葉寒刪影梅花香滿心春秋亡恐久應復向詩尋

寄謝祁止祥先生兼懷奕喜奕慶仲明諸子

先生

屢招遊寓園期歸日過訪頃  
歲迫速發不得赴殊深悵然

久訂花源約潮迴夜雪殘展妨歸棹妒人與片雲寒

島外松亭負鷗邊蘭槩寬非關康樂倦且覓畫圖看

歸日宋旣庭葉星期姚越士各製佳什書筭爲

老母祝賦謝

霜天辭雁序將母急歸航共折三珠樹如登千里堂

花明萱益永瓊汎柏逾香萊彩茅容饌高歌口正長

歸舟別喈公臥公

異地寒暄共都緣生事微霜前爲客早雪裏送人歸

夢向孤舟冷情惟二妙依家山非不切戀爾願翻違

其二

日落迴潮急酒畱分袂遲家函詞覺少客况我全知

行子違顏久老親屈指時高樓深夜雪堆破遠山眉

其三



當年貴公子不解客途難  
湖海偶然興風霜分外寒  
椒園梅信負燕市馬蹄寬  
時易公已好共瘦樓嘯離  
絃莫漫彈

蕭山訪丁抑之同年信宿齋頭命畫數幅兼呈

大聲

攜手鑑湖約先予十日還  
曾虛門外棹特泊縣前山  
竹密雲生楊花深月啓  
照去年京洛雪并馬酒壚間

其二

居並東西屋人傳元季名  
乾坤分出處冰雪共心情

香淨泉初沸詩成潮夜生  
輕綃圖直幹醉筆落松聲

贈丁大聲兼柬殿生

亭爲草玄閉樓因文選成  
鶴迴梅影午鹿過藥苗平

白髮詩中老青山雲外情  
入林誇驥子已并步兵名

西興驛

主人休倦客竹閣晚烟迷  
米肆冬春貴鹽塲竈火低

一江湖上下兩岸浙東西  
輿筭輕如馬平沙爭渡齊

夜過虎林有懷同年陶夢刻學博

去來還自笑秋獨虎林疎  
眉月妬西子金風指北廬



帳前花正好籬畔菊何如珂里思君久衙齋棹又虛  
夢剡家會稽余客越  
久期訪於衙齋不果

嘉興舟次寄上官金鑑先生  
以歸迫不及奉晤  
去歲今兄玉鉉同  
年托余梓端稿懸國門者已久頃  
命力送署中郵致山右并誌懷思

吏部分符地龍旂海國秋雲高金粟影風急鶴湖流  
奇字勞傳雁游蹤久狎鷗未能趨幕府煙雨夢中樓

寄懷黃鳴僊鄢陵

山盡大梁地懷人望雁過種花開綠埜栽柳備黃河  
甌冷香杭少詩成驛騎多次公傳吏治才子近如何

黃霸字次公

懷湯聖昭同年之官鄩都

聖代登新版才人宦極邊三巴孤劍去萬里二親懸  
祠鬼巫還在溪蠻戶可全浮湘鴻雁少尺素托誰傳

其二  
兼懷馬裕菴董孔昭劉枚菴孟緣思李次公侶  
磨谷雪堂陳覺菴尹心矩入蜀諸

同

聞說僊都觀方平入道鄉樓高荔子熟地接海棠香  
峽雨飛神女涼天恩眷夜郎歸時新句好為問浣花

堂



讀坦菴舅父關外詩為之泣下兼懷樓崗邵村  
六兩與三敦四世五  
夜郎流太白嶺嶠窳昌黎不盡投荒恨那堪絕塞迷

全家衰草合萬里斷雲低杜宇聲聲血羈臣字裏啼

其二

孀母三年淚開緘兩鬢催弟兄垂老別生死幾堪哀  
客意遙相慰天心久自回素書勞雁遠曾過上林來

其三

終古人誰到開天詩絕倫 主恩隨處厚異俗亦情

親史學窮山海遐芳泣鬼神更聞圖畫筆風物為傳

真聞邵村為圖山水諸兄弟俱有詩

其四

不信穹廬地江淹花愈香積原收絕景珠玉豁奇光  
守小徵眸力詞安識體強離騷嫌太怨風雨悔沉湘

張齡若索畫蒙贈洞石賦謝

素毫常繪石敢擬價同琛怪爾嗜痴僻遂忘喪寶心  
銘深名手賜墨怯夜光侵想像藍田曲為君畫裏尋

其二



產必蛟龍窟寒凝冰雪姿懸知藏玉處定較畫圖奇

枝應思三秀峯難貌九疑未能鑿小篆姓字愧當時

馬一公妹丈舉第四甥卽以詩見東走筆依韻

志喜

每對家羣從於余笑叔癡久慚珠玉側又快渭陽私

樹已三枝秀吟增四子詩坡公有賀子由生四子詩生來四男大壯復臨泰

云云相看眉俱白第五定同之

其二其派居余妹次月值我生身自夢絳霄日關心白髮人

鵷鷺春又繞蘭蕙恰堪綉襦懽兄姊盈牀笑語親

其三尊公老伯時令定陶

家函東魯道好報定陶書鵲佐彈琴興花明修禊餘

懸知強項似楊震孫奇靈帝謂曰卿強項真楊震子孫共擬相門如李栖筠之

子吉甫其孫德裕並為宰相人日相門出相何日高陽里東行載著車

其四

同為清白後天與子孫酬詩自慚姚合文應薦馬周

外家矜衆寶照社定何憂後漢應璩生四子神光照社赤汗駒原

異看看俱紫駟



飲陳玄章齋頭有感賦

馬帳悲俱切，鴿原急又同。木殘千古恨，花落五更風。  
貫日驚虹白，浮杯滴淚紅。悲歌孤影共，雁羽自西東。  
兼懷萬子鳴僊飲  
霞房生維周遜來

朗陵喜晤史遠公

不意才如爾，青瑣冷盛年。影仍金粟舊，風更玉山妍。  
鶴立秋凝雪，鵬飛雲薄天。門生趨絳帳，爭說勝登僊。

其二

遠公詩集  
名得閒吟

昔猶盤分餉，蘭陵酒載香。官閒吟益細，秋淨畫逾蒼。

草夢經年綠，花逢九日黃。舊遊忻更續，天地兩清狂。

其三

鄭李俱三絕，君能備一身。廣文官偶似，聖主眷還親。

鄭虔以詩字畫稱三絕，帝謂李探  
日卿人物文章門第可稱三絕

古塔蒼藤合山亭

老樹隣月明，琴韻靜貽我。夜光新


客中喜逢陳義臣劉西來二同年

帝京三載別，蘭棹五湖同。花塢聲聯鶴，秋潮字合鴻。

轄投驚座後，酒頌伯倫工。藜杖霜堤約，芙蓉刺小紅。

義臣歸楚以詩畱別依韻送之





卷 5(p39 后缺)—卷 6(p1—p17)



屢挽雪堂棹荒祠枕被聯翻添分袂恨寄怨晚江前  
花馬期何地汀鴻聚偶然霜楓盈岸赤莫去對愁眠  
西來歸豫章以詩畱別依韻送之

西京傳樂府寶劍壯劉生 聖代行將吏高出久輟  
耕雲煙秋滿甸山水悔尋盟千里南州榻蕭蕭共草  
亭

其二

楓看霜葉盡梅逼雪花生筆硯秋無獲江湖笑耦耕  
愁隨鴻雁去夢續白鷗盟客裏那堪別躊躇過驛亭

山水都堪寄遠情挿籬亦可雜榛荆雖居廡下寧因  
熱共語壚頭竟有聲倚石莫教傷日暮逢人早爲寫  
春明筆床茶竈渾無事短杖新裁體自輕

梅花第六

和吳湯日老伯五十自壽詩依韻

葛巾獨立碧峯前高並廬山大隱年雞舌香殘含舊  
恨馬蹄篇倍謝塵緣夢迴月照寒花靜秋勁霜深老  
檜全寶鏡莫教玄鬢改吟成梁父問蒼天

其二

丹竈斜依禮斗壇浮雲久不夢長安囊多芝草千年



步清言選  
一集  
藥手製芙蓉七葉冠山北田疇身未老江南王氣望  
中殘酒漿自足平原樂鄒律纔吹谷不寒

其三

驂駟紫陌逐紅塵回首龍髯淚滿巾國子風推三老  
座司空誰是隔朝臣襄陽此日尊者舊栗里歸來作  
逸民邊塞幸消豺虎亂青山堪富百年身

其四

一身無闕可彌縫短髻難教霜雪封每怪往來多屑  
屑不求聞達只庸庸溪橋六逸消殘臘風雨諸陵哭

列宗自是淮南叢桂好小山招隱足相容

其五

汨羅舊有未招魂手注離騷淚尚存居士蓮開依白  
社故侯瓜種傍青門龍蛇歲晏何須辨燕雀春來亦  
自尊衲結水田冠曲笠詩成銅雀管城髡

悼奴溺水

終歲勞勞無定居錦囊付爾我騎驢湖山沈宅相隨  
久風雨荒雞總未疎少小卽能憐穎士孤征豈遽觸  
靈胥瞻雲常說江南近曾否驚魂慰倚闌



其二

花老秋原樹色殷  
偶辭茅舍適江關  
致郵終日思銀  
鹿策馬從今失海山  
帷蓋我生何處報  
刀環爾婦卜  
無還東流不盡潺湲水  
未必龍鱗遽可攀

曉征憶內 步韵

曾聞燕趙朔風寒  
每登征裘淚未乾  
料爾愁因明月  
劇知余行逐曉星  
看雞聲還恐朱樓冷  
梅信須傳古  
驛難此去上林花  
正發入春切莫念衣單

其二

繡幃共聽漏聲殘  
金燼香凝尚怯寒  
孤劍每輕千里  
別客心更覺五更難  
危橋馬度蹄妨滑  
老樹烏棲夢  
尚安卻怪霜鴻飛  
正早肯隨明月到朱欄

渡黃河

浪頭山疊雪崢嶸  
孤柁危檣截浪行  
萬里風沙迷古  
岸千年天地入濤聲  
長鯨蔽日吞難盡  
瘦馬依人影  
自橫不敢更看腰  
下劍赤鱗隱隱作龍鳴

邯鄲步方輿三韻

夢中事事足神僊  
無夢浮生亦惘然  
幻境忽酬平日



觀覺來曾有愛根懸  
蒸炊梁米丹頭火  
指點葫蘆海上天  
爲問老翁殘角枕  
千年能誘幾人眠

日暮再同王淡遠  
何中含毛信  
斯李滋伯出郭  
遠眺分韻得人字

尋幽何必問前津  
背郭臨溪自出塵  
幾樹綠楊堪繫馬  
一雙白鳥解依人  
奉芳屢踐林間約  
濟勝應忘藥裹身  
曾向暮雲攜翠袖  
歌聲猶醉落花茵

又得鴉字

并轡驕嘶白鼻騮  
看山好趁夕陽斜  
村煙籠岫遠凝翠  
野樹呈霞晚弄花  
索句漫題翻浪石  
彎弓莫落護巢鴉  
遊因勝友紆歸路  
萬里經年不憶家

陳州道中

長風吹草野狐腥  
高柳荒祠莫暫停  
鴉陣黑遮丘隴綠  
羊羣白掩墓門青  
客防斜道來飛騎  
村爲修河少健丁  
怪問人家甚寥落  
王師信至更零星

梁園道中

經過此處數康莊  
二麥收完種豆忙  
牛馬並犁耕地遠  
轆轤捲井汲絲長  
低垂紅棗珊瑚艷  
新摘黃瓜冰



雪香野老指予深樹裏今年纔構一茅堂

七夕前一夜客商水永福蘭若中夜不寐枕上

口占十章東吳夔田老伯

獨騎瘦馬出長安六月披裘尚怯寒自倚鹿盧慚駿

骨何心魚鉞問猪肝病依父執如慈母俸損疾封勝

大官更喜故園音信悉暫拋藥裹學加飡

其二

紫禁無成尚有家孤飛垂翼滯天涯饑驅仍卻胡奴

米病後還貪潘岳花畏聽新鴻來潁水難從弱柳戀

章華知君猶子情多切為我懸琴早放衙

其三

於署中晤爾玉表兄懼聚一日而馬首遽北用是惘然

小阮為余異姓兄他鄉表弟最關情手調參朮憐癯

影口代鴻魚慰遠征枕被甚忻聯鶴署琴書何遽奏

驪聲傷心孤夢千端集五夜荒雞淚漫傾

其四

招提寥落草侵堦藤掩山門壁藉柴自號畫禪新斷

酒靜皈繡佛欲長齋風鈴響徹孤棲榻雲板敲懸午

餽牌雙樹蟬聲連日變豈因為客助秋懷



其五

忽因節序驚時異銀漢橋成鳥鵲隄幃破蚊甘人面  
雨殿殘蝸趨佛頭泥誰家機杼金梭巧幾處鍼樓彩  
線齊我有犢裋何用曝仰看天上倍淒淒

其六

兼東唐先生孟嘉

游絲百尺網庭除金井風徐展齒疎香蕪閣黎隨梵  
語扎傳官舍乞方書招余時泛蓮花幕有客同懷薜  
荔居聞說荒田新秣好相期秋老剪園蔬

其七

時禱雨初應

雨隨車後潤康莊到眼油油豆麥香芳穗纔回平野  
綠衆流新下半溪黃涼生楊柳閑官閣翠出藤蘿蔭  
女墻豈待西江甦涸轍餘波分處自汪洋

其八

千卷誰言擁百城人間玉壘重行行玄文難敵黃金  
貴青眼多於朱紱榮孤鶴爾因何事唳雙龍莫爲不  
平鳴衙齋吏散西牕語細述征途感慨生

其九

令郎仲閣歸不得晤

昨歲秦淮早放船得借諸謝快隨肩板橋垂柳酒旂



晚蕭寺寒花屐齒聯聽雁正當孤客日望雲翻劇故  
園天擬因萊彩酬昕夕反接家書為爾傳

其十

水接黃河最上流欲從仙令乞扁舟  
鵲紅泛芙蓉渠艷翡翠青翻菰蔣秋幸乏五銖輕五兩仍餘雙袖佩  
雙鈎仁風噓拂知無極已為平原數日留

哭孫大振公同年

乙未南宮捷後卒於京邸

當代風流孫子荆雁行異姓爾稱兄兩京十載傳三  
秀雙筆千花繡百城管輅自知才不壽瞿曇誰為說

無生延津波湧神龍去牛斗從今豈更明

其二

洛下盛名傳李杜粉榆雉血廿年初芳蘅作佩原同  
締惡草當門矢共鋤白水風聯丹壑展青山花燬玉  
床書元龍意氣相如賦寶盡東南恨有餘

其三

紅塵紫陌萬花明鍛羽西飛出帝京  
疋馬重憐河洛別孤雲不斷太行情嗟予失路悲王粲  
遽爾遺書恨巨卿豈意季春當七日白楊從此哭餘生



其四

起居八座錦堂開  
大母雙親獻壽杯  
青鳥方迴光日月  
文狸胡卽走風霾  
夫人自是常封麓  
丞相空勞哭至臺  
縱是謝庭多玉樹  
每看姜被轉堪哀

其五

振公秩當今年伯筮仕滑邑

玉堂偶爾失珠華  
司馬當年吏起家  
縱懶河陽誇錦樹  
何如勾漏乞丹砂  
龍文懸處輕千鎰  
鳧翼朝天勝五花  
似向大官羞薄祿  
早從仙仗折疏麻

其六

萬里黃雲杳夢思  
長楸永夜叫寒鴟  
太玄尚少童烏識  
同穴徒深邴婦悲  
塵在寢床誰着柩  
劔依隴樹挂何枝  
高樓急雨飛鴟血  
可是魂歸總帳時

其七

共立紗籠雪正寒  
江南桃李耀長安  
土中玉樹人同恨  
鐵網珊瑚寶忽殘  
駿骨止高燕市價  
旄車猶傍禁雲寬  
僊踪應返邯鄲道  
半枕村炊夢已闌

其八

遠道初疑問豈真  
支離孱影倍傷神  
置身冥漢知誰



托放眼青天竟不仁古墓忽令明漆炬玉樓原似忌  
才人彥先既逝琴應絕舊曲淒涼忍再陳

偶過慈雲菴

幾疊危峯襯壁柴離城數武隔天涯身名念佛傳孤  
磬松種成龍盡七釵茗椀香澄煨芋子蒲團定對破  
芒鞋山門深閉秋光好瓢笠何緣到六街

贈青陽羅文玉醫士

牙籤閱盡久忘言惟有丹經肘後存口餌仙茅尋道  
士手調芳草護王孫青蓮幾點藏玄宅白雀千年識

後昆

用君章事

自愧金莖何處覓多君已足解文園

水厓

四舅父明菴性僻山水亂離多難臺榭屢傾頃買荒山忽成奇構余過觀因命作畫

圖凡二幅

水厓野老舊龍眠不羨巖廊不市塵鋤遍長鏡搜石  
脚醉披破衲露霜顛死生湖海逃身健興廢林泉到  
手妍愛我渭陽情獨切冰綃屢為寫雲煙

其二

山頂面瀑架屋榜日移疊復鑿石截流漾成巨浸中容畫舫隄遙維舟于亭客至叩

舸始達諸勝

蚕叢再遇五丁過奇思開天異境多廬頂忽移三疊



雪峯頭漾作一泓波荷花滿蕩迷漁艇松樹眠溪溼  
女蘿剝啄不勞頻喚鉄但搽小舸涉盤渦

其三

茅茨層結號草浮屠中置瓢笠魚磬居然  
上方也溪外有亭曰過溪為主客別處

誅茅結作草浮屠一堵明明似給孤磴繞千花紛翠  
壁燈懸多寶照玄珠圓光影裏心俱靜方響聲中膝

正跌溪面過溪亭子字深林真共遠公無

其四

越藤關半閣三生石一線天而上則有  
石倉紛羅書畫香芸淨几吟咏灑然

就石成倉結構奇應貯金粟後身宜鹿馴軟臥臨流  
草鳥解閒啼入戶枝粉蠹殺青方外史秋蠅篝火夜

深詩還矜七十飛騰捷陡上層雲不杖藜

其五

花樹錦簇雲霧離迷石壁攀蘿狗然五色  
崇雅堂北則二西園子九組文讀書於此

陰晴不減四時春妙手難誇圖畫神黎雪蘭風張藻

筆竹煙蕉雨米顛皴琴修舊軫音還古杖選枯枝節

滿身二西園深藏二仲移文終到北山鄰

其六

檀溪一水橫以木梁柴桑字之過松關梅  
墅牛眠石則風篁嶺梅遮亭子四面皆古  
幹清芬即用杜陵五株桃樹  
之句越於密而東為萊郎塾

橋架柴桑愛學陶少他彭澤一番勞嶺多篁韻全宜  
竹亭用梅遮卻勝桃身比鶴蟲談北海手馴鳧雁著



東臯看來小阮榮簪組身隱還勤課鳳毛

其七

春初余公車入長安坦菴舅父與余細話水厓果不減龍井丘壑忻羨久之余放歸付余家函且屬以詩

長安學士今春問曾否樓臺勝畫谿命我好傳芳草

句篝燈幾費彩毫題鳳池翻羨鹿門樂鶴圃榮真鼇

禁齊閣下山中兩宰相元陽出處孰攀躋

其八

去水厓十里係棕川鎮背山面江危樓雲疊朱欄霞起仍字日水厓外閣

又從棕水枕江流外閣凌雲近斗牛漁網夜分喧荻

火螺峯翠重逼簾鈎波搖欄影千檣靜月落汀寒一

笛秋山色湖光收拾盡僊翁此外復何求

風雨晚泊

鴈沙鷗渚暮雲層衰柳寒蘆倚敗罾刹遠樹頭懸佛

火星搖波底辨漁燈鄰舟羣慰驚濤惡三老還矜破

浪能危坐驅僮登野岸衝泥覓得酒家曾

繁署呈夫子

千載浮丘僊子名又逢僊吏宰茲城花村蠶孰浦雲

靜柳館鶴閒山月明赤汗卽今誇驥子絳紗未許隔

門生輞川詩畫蘭亭草五斗淋漓墨陣橫



野眺

落葉聲中自一村四時野趣讓秋原  
枰魚深港編荆棘縱犢閒圩拾稻孫  
碧水紅沉砧婦影青山紫染寺雲根  
板橋東畔蕭蕭屋遠望還勝展到門

客齋夜雨不寐

短牆猶記近村籬何事雞聲得得遲  
萬瓦滴殘孤枕夢一更幻作百年思  
寒機細剪驚鳥亂高棟翻空墮鼠饑  
酒力已微仍苦渴酣眠偏羨小奚癡

田家

場圃蕭閒日正賒幾叢竹樹一人家  
臨池衰糶粉新粒危架枯藤綴老瓜  
乳子雞聲驚葉影負暄鵬羽妥霜花  
山翁逐客坐門外閒說前朝感歲華

楓葉

秋落吳江動客吟停車曉景似春陰  
桃源何處花迷路杜宇無聲血滿林  
流水字痕香泚泚如人裾袂繡深深  
月明玉露垂寒練愁殺城南小婦砧

贈蕭尺木

梅花掩映玉山清湖海爭傳處士名  
五嶽果曾芒屨



遍下林幻自素毫生身雖將隱文難隱詩號無聲水  
有聲手製籀龍冠七葉鬢華未許雪霜盈

其二

濟勝何如作臥遊城隅小築自清幽題成文琰王孫  
蠟書富維摩太子樓墨氣劍中藏六法燈前幘首繡  
雙勾久裁一幅桃花紙肯洒隄糜染素秋

夏啓寅招同家茂先飲霞起樓

琅玕十二擁高樓雲護僊人最上頭翠岫晚寒孤捨  
影青天遙入大江流鶴迎新月雙雙舞鴉背殘霞點  
點秋手種肉芝丹鼎畔侍兒新教擘篋篋

晚眺

兀坐殘編不耐看閒從菜圃望江干鷓鴣慣識魚吹  
沒鸚鵡羣登牛背寬隔水遙青叢竹暗啣山暮紫落  
潮寒千檣豈乏天涯客孤夢還依雙樹安

與劉夢錫話感賦

霜颺吹雨冷江天旅館逢君木榻連客似文園徒病  
渴貧無下溼不關年觀心何計愁城破免俗從無阿  
堵嫌秋水盈盈孤夢迥一編老子學參玄



南寺戲示碧上人

禪棲得共旅魂清  
叅放齋堂板一聲  
杯茗香雲真雨  
蕊蕤蔬寒玉未霜  
莖髮髡居士影先禿  
袍羨沙彌袖  
自橫白社咸知予  
佞佛檀函幾日拂  
幢明

贈妓

恰逢小玉分辰年十五  
盈盈綵樹前  
笛御紅桃傳倚  
曲裙裁鮮杏製雷  
僊偶然一笑先難遣  
歌到傷心竟  
可憐誰辦石家珠  
一斛攜卿早上泛湖舩

其二

鬢映紅潮酒力微  
幾迴歌哭是耶非  
枝傾五夜花無  
賴香篆一簾雲不飛  
帶綰鴛鴦曾孰許  
樓高燕子待  
誰歸  
隔溪近有孤吟客  
夢挾瑤琴傍舞衣

荅妓就邸舍索予詩画

花底簫聲香霧殷  
憐予攜月啓花關  
傷心易觸千雙  
淚何事輕摧十八鬢  
時方剪髮紅袖解深知  
已感黛眉學  
畫內家灣臨池頗  
愛煙雲趣  
手出冰紈索遠山

贈西頑道人

孤雲碧落意何如  
閱盡玄黃悟太初三法  
靜消貧日



月一編新注舊圖書袞袞許共青山老皮骨能存瘴  
海餘詩卷紀年誰甲子醉歸籬下仗藍輿

其二

嶺外生還鬢未霜揮空拂子舊清狂過江高蹈歸爻  
遠驚座玄風托老莊指點酒壚芳序恨大招蘭畹楚  
魂香阿麟豈是田橫客一曲哀音闍自傷

依韻荅李岷瞻同年

前身知爾應金粟弱翰能分真宰功萬里孤筇千嶺  
外三年一笛五湖中霜林燒葉期同醉雲谷尋僧興  
未窮短缺莫愁秋夜永江城蟹紫橘初紅

月夜同岷瞻山民嗜公在湄家兄彥昭飲子直  
內齋卽席刻燭限韻得釵字

何必牽車駕鹿柴雙棲金井卽清齋名花粧向麗公  
屋野菊移簪德耀釵絲繡文鴛香滿座簫吹紫鳳月  
盈堦牀頭數斗真珠艷良夜能消旅客懷

又得尖字

曲罷分題觴政嚴借來眉筆寫香奩賦成翻滯高唐  
夢黛遠難窺玉女尖院杏雙鬟驚羯鼓幃懸七寶半



牙籤狂奴醉莫拋紅豆鸚鵡初醒叫畫簾

秋日同祀瞻子直山民嗜公在湄扶於威公家

兄彥昭遊龍眠分韻得六麻

高峯不盡俯平沙樹杪溪灣見一家  
屐破層雲驚墜鼠簫迎新月起棲鴉  
呼童人挈親沽酒餉客僧煎白種茶  
十里尋幽頻徙倚幾回指點夜還賒

又得三江

細數游魚想釣艫手招飛雪激寒淙  
門編朱槿刪黃葉龕引紅蕉作繡幢  
擁絮忽分枯衲榻茹毫猶記讀書牕  
特尋椒圃臨池處千載公麟誰許雙

又得十四寒

連日提壺興未闌燒楓剝栗足盤飡  
風吟谷響嶺猿嘯峽轉灘聲石馬寒  
翠黛倒傳杯底綠胭脂難染樹頭丹  
歸來不記登臨路為許揮毫作畫看

又得五微

聞說終南海內稀丹青樹裏白雲扉  
何須五嶽遊皆遍但倚孤筇興不違  
秋色醉人傳勝事客心為我賦忘歸  
短筇久訂尋披雪更有銀河落翠微



同張齡若家龍懷師姪魯齋敬齋遊小桃源此

山為龍懷新購

屐齒穿雲響碧虛謝公清興邈軒車久焚諫草耽幽  
討為覓煙蘿賦遂初入谷甚忻函席近買山莫令彩  
衣疎冬晴早訂鏤荒址指點誅茆作隱居

其二

幾曲雲門靜不譁路當窮處境還賒閣原跨澗欺泉  
雨桃故成蹊傍洞花白鶴自應隨皂帽紫鸞莫遽下  
黃麻亭亭松栗蕭蕭竹好伴深林護鹿車

喜何令遠歸

遠從梁苑客初歸千里霜花點素衣叔以龍文知見  
賞君何馬鬣願多違令遠觀叔原為尊公營墓計枝封古堞烏初

乳柳斷官塘雁獨飛幾月比隣疎杖履從今好款北  
山屏何惜少時叔上謂之日雖駒齒未落已是我家龍文

其二 從令遠得

吳子還為汗漫遊饑烏總屬稻梁謀相逢官署忻青  
眼喜得家書慰白頭恨與弟兄輕遠別窮因兒女愈  
深愁黃河風冷冰初合何處頻登王粲樓



其一  
讀令遠新句知其  
得魯郡公舊榻

攜得琅玕寶篋光高才自昔重游梁  
平臺舞雪堪凌謝蒙澤探玄更續莊  
奇字徒工金益貴古囊雖做錦  
逾香南朝舊碣應摩遍魯國銀鈎  
榻滿床

其二

右丞奉禮兩難師刻鵠塗鴉止自怡  
玄賞莫因同調溺微才恐負素心知  
久耽綺綵鏤雲僻欲作芭蕉醉  
雪時好我屢傾新釀林拂君東絹更  
何辭

冬日田家即事

數里松陰護土墻朝晴每卜夜來霜  
荒畦乳雉藏寒草茅屋鳴雞曝短桑  
火借秋棚當楫柁醪傳新甕足  
壺觴山翁艷訊詩書樂指點兒童  
揖客忙

其二

薜荔凌寒映短簷編蘆懸戶作垂簾  
田荒吏迫租輸急歲儉農傷穀價廉  
飯客貧厨豐蟹稻渡河遠市覓  
魚鹽今年種秫差盈畝不必前村  
問酒帘

其三

膏田畚火隔冬焚幾處寒烟望裏分  
敗葉鳴霜封竹



一集  
場斜陽帶月出松雲疎籬防虎門時閉遠寺隔山鐘  
忽聞惟幸傍湖迂大道可無常計避官軍

其四  
聲聲絡緯午偏賒園後縲絲掉網車一樹身生八九  
子數椽人住兩三家相枝白綻迎冬粒麥甲青舒隔  
歲芽竟日深林來跡少小橋東畔竹籬遮

邵村奉使還 朝舟次棕川以書訊老母兼損

惠賦謝并誌余思

萬里鸞迴下碧雲寒江簫鼓白鼉聞朱旛夢隔枕櫛  
雨盡舫書封橘柚雲俸損使囊情倍切貧憐老母誼  
何殷北門風雪知余稔半菽憂爲子舍分

其二

猶記鳩江尺素期開帆十日便參差經年夢有相聯  
句隔歲囊餘未寄詩賜鱸恩惟隆白髮乘龍人已  
盡新眉 坦菴舅父以病告歸蒙 旨特雷靜 王程難  
齋舍在卽邵村婿以九月入贅金陵  
許家山展郎宿應思傍鳳池

懷蔣大金陵

憐無三逕付蓬蒿廡下全家暫寄皋穀賤尚憂謀食



拙菊荒應笑遠遊勞片雲江濶影何杳一雁雪寒聲

自高庭外芙蓉狂開落久稀狂客索村醪時西頑亦客金陵

指案其二

得君消息自黃冠半載三江一字難古巷屐聲疎竹

屋南朝藎影借蒲團人憐似鶴閣常倚客莫歌魚鉞

自彈上水數時歸棹便北風晨起樹頭看

冬日同張齡若馬一公家侄魯齋敬齋再遊小

何如桃源各分六韻共得三十首合公

六魚

久思選勝竟懸車深幸名山托不虛石似伏龍環白

屋藤堪覆鶴陰玄居三年野夢樓方穩一壑君恩

賜有餘攜手幾回來往熟擬從花底曳藍輿

十二文

再向桃源展齒紛恐迷舊路故殷勤林舍冬笋欲穿

石樹響寒濤直亂雲流水度橋雙派合高田層砌一

梯分提壺藉草頻呼酒敲火砵崖落葉焚

四豪

著書不用羨東臯近郭應忘濟勝勞竊菓猿時窺短



盤茹芝鹿愛狎方袍林間馴鳥增堪避峯頂眠雲枕  
自高爭說此中丹壑并斑斕羣繞鳳凰毛

五歌

凭高長嘯振林柯共許身心托薜蘿一日一回遊不  
厭幾人幾韻醉還歌遙巒薄霧將歸谷別岫寒鐘促  
渡河我欲尋崖搜片石卜隣又擬傍山阿

十二尤

溪橋曲曲鎖涓流天外遙青數點秋虎刺碧藏松澗  
底兔絲翠網槿籬頭先生高并林和靖道士名同智

剡州更喜南山喬木近鯉庭數武倍清幽

窩

十三覃

風起村煙障晚嵐山圍三面逕通南崗頭畫仿王維  
法林下癡同內史慙野服帽應分皂白色絲向不辨  
青藍忘歸忽覺月初上又愛寒光鏡碧潭

藍謂齡若

師生也

梁子武醒園舊冠邗上以兵燹後就蕪與余感

話更為索詩



為貪名勝遍天涯老去流風興轉加但有園林荒亦  
好舊傳花鳥境偏賒尋山此日同康樂醉雪當年似  
黨家二十四橋歌舞地唯君衣袂帶煙霞

其一  
聞名心醉醒園久蕭瑟猶堪供品題修竹久無凡鳥  
字垂楊莫任暮鴉啼遠搜佳句開生面目擊他山話  
舊谿支石牽蘿還易辨春明花信好招攜

秋日同戴山民張濟之家五兄龍懷弟翼侯侄  
靜齋遊清泉禪寺謁元白和尚以雨信宿茶

話屢日因賦四章

幾年不聽寺樓鐘今日忻瞻古佛容智鑰對人猶鉄  
限緘藤誰解觸鍼鋒雲門可證三生石金粟移來五  
粒松香界舊傳宗旨盛慧山已據最高峯

其二

一燈一杖一龕幽獨坐圓光最上頭塵尾白揮終古  
霧雞冠紫艷幾枝秋霜毛覆額珠還現雪袷承身香  
自浮示我袂愁惟見性觀空不得轉生愁

其三



清猿馴鹿遶禪房自覺山中日甚長靜坐但看松子  
落忘言難隱桂花香浮生漫證傳心印野夢忻分定  
衲牀居士同來惟我拙原知支遁在疎狂

其四

法雨瀰空濺瀑珠留人連日損伊蒲團瓢倚石苔生  
壁方丈臨流水到厨無酒自知蓮社約扶筇敢作虎  
溪圖尋真再訂重来侶回首慈雲護苾芻

自里門至洛馬上得詩十首

秋晴久欲騁斑駝依舊貧裝笑展期別緒難堪分袂

刻經營猶擾出門時勉加飡飯慈親慮泣請隨行穉

子癡十月縱看梅信早春風須慰舉家思

其二

百里新愁兩地懸孤程纔歷一城邊偶思家事欲題  
字但望林端數舉鞭廢墻霜枝紅照日野湟水氣白  
蒙天烟巒幾點行將盡回首山容不忍前

其三

荒雞子夜漏聲殘藉草纔眠枕未安無酒衾單虛旅  
夢倚鞍燈逼怯朝餐漸驚衣溼知霜重願得天晴耐



曉寒素愛清輝醉明月那堪獨逐馬頭看

官路人稀野徑封馬蹄全印兔狐蹤孤城百戰餘寒

草荒堡多年臥廢鐘一飯尚艱豐歲穀昨朝已少故

山松夙傳穎上川原好憑弔於今失舊容

其四

其五

怡顏漫憶盼庭柯衰柳迎人數渡河儉橐自為收束

細長途漸覺未攜多偶成新句無蕉葉時尚戎衣笑

菱荷鎮日孤征誰共語高吟朝夕和樵歌

其六

馳驅偏易觸離憂悔舍江南一葉舟涉水矜持驢子

背護寒珍重老羊裘官塘翡翠雙棲穩大野胭脂獨

樹秋屈指計程勞北望日邊應見五雲浮

其七

風塵總為艷時名獻賦爭趨紫陌行海內幾人安夜

寢天高一雁振霜聲村烟青蔽家山遠野月白如江

水平記得舊年當此日龍眠絕頂共吹笙

其八

其八



心驚人跡響前陵爭趁朝晴好放鷹冷面經霜翻畏  
微髭亭午未消冰寒加北地村醪薄主迂南人米  
價增欲憇寺樓門晝閉禪林久不住山僧

其九

欲看花樹問河陽訪友聊賚十日糧衣綻乞來村婦  
線囊空不學健兒裝出牆棗刺全妨馬臥隴碑紋自  
踐羊蕭械久知爲客苦長卿曾亦重游梁

其十

西京名勝最崔嵬入洛還須作賦才水限乾坤襟帶

遠山分秦晉翠屏開楸梧風起諸陵吼劫火灰餘六

代哀一曲高歌一惆悵夕陽何處獨登臺

同藥二晞謁 關帝陵 陵去龍門五里  
爲帝藏首處

爐煙香霧遠迷離苔繡麒麟枯柏垂四水怒號終古  
恨兩山深鎖在天眉荒原俎豆環碑泣高枕春秋笑  
鼎移試問鄴都疑塚客西陵總帳久淒其

其二

廟貌依然袞冕尊風雲深護日黃昏第完臣節歿寧  
惜屈指帝陵能幾存萬古永欽元首戴一抔常沛八



方恩悲歌莫漫吟梁父血淚遙同五丈原

龍門次二晞韻

閭闔中開自儼然千年環峙帝王天山傳形勝餘寒

石洞倚空濛鎖溼煙花鳥不歸無玉樹瞿曇似戀舊

青蓮北來宮殿難憑弔剩有東流響澗躔茲山花樹最盛童子

兵燹夾岸有石洞內外雕鏤佛像大小不可數記傳為神工所成近皆破裂無一完者

其二

蠟屐凌空蹋夕暉醉餘長嘯總忘機泉藏鱗甲飛珠

瀑房冷芙蓉別粉衣兩岸舟喧明月渡一聲磬落碧

雲扉龍門忽聚龍暝客攜手高峯可當歸亭上一池內有靈泉

濺出傳為神龍所居常霧起必致雷電洛中罕見荷此池盛開頃尚畱殘葉

將遊少林以雪阻不果

蒼翠侵天路百盤寺樓終日挹晴巒千燈香杳印何

在片石雲深影泊安花雨忽勞滕六舞芒鞋難勝慧

師寒尋真反為招攜誤空聽山僧話夜闌次次同白

夜過北邙

疋馬空濛歷翠微白楊聲起漏聲稀霜侵葉下驚鴉

響月冷枝高待鶴歸幾處寒燈明漆炬千年燐火照



珠衣向闡野老荷鋤說隴土曾攜金盃歸

地有櫻地溝崇以荊州刺史劉掠起家

荒園猶足重淹留誰種櫻桃徧埜溝池草碧寒流水

亂樓花紅弔晚風秋荊州曾識當年恨石友先同白

首愁莫向洛陽城上望晉家宮闕久榛丘

在洛陽北十里前人競讀書其地後

莫為無枝倍愴情當年萊園故諸生雲霄始羨舊居

貴風雨尚連寒夜聲頓使幾人輕廈屋何勞千載漫

雕甍爭看土竇勝丹穴養得崑丘彩鳳鳴

入都有懷林二史應州

疋馬重沾紫陌塵擬將枕被慰情親春遲紅杏聞鶯

晚雪剩黃花望雁頻沙磧濃陰新種樹印牀奇字舊

懷人三年夜月桑乾水萬里時時夢問津

九日雨滯蛟臺

登臨何必拘重九秋到江鄉與自賒臺擁雲深難看

屣籬寒苔溼滯看花孤樽菱芡尋魚屋一葉菰蔣寄

雁沙薄暮衝泥過山去醉餘特索老僧茶

準提閣示逢若隱若兩上人



傍市招提晝不關  
市喧寧碍定僧閒  
竹間風響頻驚鳥  
樓角門開忽到山  
倚石秋花霜檻冷  
隔江漁火夜船還  
白雲深護安禪榻  
藤杖多時上蘚斑

贈蘆

橫分江勢截中流  
不盡淒清上下舟  
葉作雨聲花作雪  
日眠漁叟夜眠鷗  
潮生斷港孤根冷  
翠薄前山一幅秋  
怪我慣看迎面舞  
石尤偏遣揖人愁

春日送伯兄授經白下時與潛伯同舟諸子即

席限韻得六魚六麻

塵世難歌短缺魚  
春田還有石堪鋤  
樹萱纔博舍館

樂兄子生甫一歲賣賦翻令戲彩疎  
影逐離鴻尋別渚  
手攜

粉蠹自抄書北門  
莫慮茅容饌江鯉  
須頻慰倚闥

其二

連年姜被隔天涯  
極浦心驚南去槎  
草入春來人又

遠舟雖僊並望逾  
賒清江白雪聯黃絹  
夜月烏衣冷

絳紗館于王氏廿載相師讀書處  
雞鳴燈火漫吞嗟

即用前二韻送蔣大潛伯

兩家兄弟俱三秀  
君尚肩隨兄事余  
枕被翻輸舟共



樂池塘同夢句難虛耦耕片石春鋤遠并影寒潮倦  
羽疎桃葉半灣書屋近招攜不異故園居

其二

東風桃李又交花每爲離愁感物華傲簾更勞慈母  
線半牕分托故人家蘆汀江雁書封濶柳岸河豚酒  
布斜去日便期歸共早芙蓉香近望乘槎

雪中觀杏

初歸社燕乍驚霜丹地凌空起玉堂  
蝶胃文姬香滿面粉添妃子醉餘粧  
千林幾失胭脂色六出疑分上苑光  
不是梨花門巷冷依稀桃李共枝芳

其二

宴設爭春館夜分簫吹繡幔落梅英  
丁香珠結呈明錦玉燕釵橫試舞裙  
丹點誤疑傷鄧女白頭豈遽老

文君京師赤雪當年事月冷朱陳爛熳雲

晉太康唐貞元京師

赤雪徐州有朱陳村杏花一百二十里坡  
公詩我是朱陳舊使君勸農曾入杏花村

同鳴僊子履偶飲山家

野老幽居儘避器山圍茅屋徑通樵積苔桑樹眠生  
耳盛藥葫蘆蓄細腰盤水到廚鰕欲上收租墻戶犢



全驕客來不乏鷓鴣杓隔渚村師可共招

畫眉

白眉翻羨鳥中多竹檻瓷罌架玉柯素筆淡描何用  
翠入宮顧影幸非蛾坐憐孤翼顰痕淺似慰飛花細  
語和莫向綺牕窺寶鏡遠山疑積雪嗟我

百舌

喁喁耳畔聽偏清幾曲新歌不辨名舌巧欲空羣鳥  
語音多翻掩自家聲隔花傳處藏身小破月先來入  
夢驚剛過三春緘口早報春原爲惜春情

黃鸝

嬌啼宛轉羽衣鮮最動人情最可憐繡閣夢愁楊柳  
近金丸怯過海棠前漫吹新調誇羌笛時逐春風度  
畫船門繞遊絲花未掃一聲合露散朝煙

杜鵑

雲暗垂楊覆大堤寒空哀響影淒淒寄身異地陰晴  
苦無計畱春晝夜啼血濺催人紅淚落雛生分乳黑  
鳥棲南方去蜀歸還近北過天津路更迷

宿吳素夫內兄齋頭兼示子脩



把杯絮語盡家園榻借榴花照小軒謝詠漸看林下

老鯉庭時接泰山尊出關妻子同浮宅傍塚松楸染

淚痕素夫以岳母塚在南遂家焉爭羨鳳毛文彩盛五陵芳草舊

王孫

燕子磯

巢懸翠壁浴晴波矧弋無心任網羅填海自憐精衛

拙啼空無奈杜鵑何寧須玳瑁樓方穩想到身衣恨

轉多此日前朝洪濟閣遺鈿拾翠醉笙歌

廣陵夜泊

艤掉蕪城接暮霞垂楊不見有啼鴉燈喧夾岸官舩

柝樓入青冥離客家何處蹋歌吹玉笛長堤靜夜泣

琵琶讀書臺上荒荒月曾照蕃釐觀裏花

大觀閣

高閣凌霄橋飲虹鈴懸殿角玉雕欄長堤楊柳湖天

碧古瓜芙蓉海日紅客罷焚香摩石碣鳥偵施食隔

花叢山門水驛原相接擊磬鳴榔旦晚風

天妃閣觀漲

倒瀉黃河一注間靈胥曾念轉輪艱千聲雷吼蛟龍



窟萬疊珠翻冰雪山葦葉浪頭驚激灑桃花天上落

潺湲望洋無限帆艘切瀾上牽船破客顏漲甚不得上開因盤

船過

壩山門水觀風林好學學謝世且即風

夏日過南池觀老杜詩碑

少陵野老題詩處千古南池石不磨水閣聽鶯全覆

柳畫橋浴鶴盡依荷期先白露迎秋早折取紅菱恰

兩過賀李樓高遺像近怪來詞客此中多杜詩云菱熟經時雨

蒲荒八月天晨朝降白露遙憶舊青氈余以夏日雨後過此即引用之城內有太白樓賀李遺像在焉

太白樓剡州青蓮貌祀并盛樓中對聯有詩在酒聖人千古水遠山高月一樓樓下顏

日壯觀為青蓮遺筆

神僊坐并最高樓樓俯南池郭外幽詩酒偶然人共

祀湖山依舊月同流彩毫大醉傳真蹟青眼相看幾

度秋天地即今才不朽詩因工部碣常留

舟泊喜遇鳴僊時以謁選遂訂并發

偶攜藜杖破蘼蕪忽聽聲從畫舫呼同調每忻逢異

地新詩強半憶狂奴國門紙自慙玄晏江岸杯從覓

酒壚何必孝廉船共伴朝天有鳥合飛鳧鳴仙繁游草係余序

謁選當縣令



其二 兼示劉根生

纔從繁浦霜鴻別，恰遇清江彩鷁聯。  
玉已正當三獻候，月今又共幾宵圓。  
清時功令貧偏荷，白戰秋風骨逾堅。  
為我中流頻擊楫，半生涕淚總相憐。

宋既庭賞余昌谷註因素杪本許謀劄劄賦謝

兼柬趙山子施爾恭史遠公諸子

王孫心盡錦囊珍，奇字徒勞泣鬼神。  
郭象尚云憑已意，子雲敢擬再來身。  
大招午夜魂應返，幽恨千年血正新。  
會得元和舊時事，可能少慰玉樓人。

其二

君才宋玉艷時名，一卷離騷手續成。  
笛賞新聲椽竹貴，碑從異解色絲明。  
昔傷鸚鵡猶難遇，浪說牛蛇愈不平。  
正恐國門懸未得，喜逢玄晏有先生。

贈龔芝麓先生

黑頭姓字兆紗籠，當代文章仰巨工。  
麗籍直言推富弼，韓琦止謔過周公。  
霜稜久著藤牋貴，天仗猶傳金劄風。  
何必東山勞蠟屐，退思巖壑舊龍從。

其二

卷明詩選

七言律

五十

無異堂



探奇人競擬侯芭  
身府堂閒擁絳紗  
吾道長城瞻海  
獄主恩冷署有烟霞  
披帷香處知荀令  
選字吟成

通浣花共睹五雲星  
正近夜來北斗更光華

黑龍其三 先生與先君交好極 賞余詩文并昌谷註

浮槎百里接龍眠  
水共澄清石共堅  
久識太丘尊父

執敢從北海訂忘年  
論慚四本應遙擲  
賦擬三都敢

浪傳方幅定知同  
覆露踈枝香并衆  
芳前昔嵇公撰 四本論謂

鍾尚書既至猶畏其難 乃於戶外遥擲便走

謝朱華胤贈馬

漫向燕臺市上求  
脫驂爲我壯鳴騶  
初辭金埒桃花

隊好傍彤墀禁樹  
遊題雁莫勞誇逸步  
聞鷹猶欲突

清秋障泥買得連  
錢錦珍重霜蹄製  
玉鞦

送石仲昭謫潮州三原人舊 吾邑令

秋冷龍眠墮淚碑  
三年棠樹綠盈枝  
西來莫漫歌燕

市南去無勞讀楚辭  
荔子香中鴻雁少  
檳榔叢裏鷓

鴟悲城頭樓鳳雙  
旌石好寫新詩  
弔退之

己亥秋特典會試  
幸捷南宮揭曉後  
屢蒙

召見於乾清宮門  
上表日更蒙



賜茶坐用集唐句敬紀恩榮集句無幾不便  
另載故附之

其一

五夜漏聲催曉箭杜甫重楊文德振寰瀛李宜古紫毫

粉筆題僊籍劉滄翠蓋紅旂列禁營宗楚客金縷機中

拋錦字劉禹錫香爐烟外是公卿楊巨源多才自有雲霄

望錢起三十年來天下名姚合

其二

六曹三禮列簪裾黃滔好為從容奏子虛李遠內史

通霄承紫誥蘇頌名儒待詔滿公車王維期君自致

青雲上呂溫豈料先生腐草餘司空曙紅粉樓中應計

日杜審言衡陽歸雁幾封書高適

其三

封名直進薛蘿人王建曾十餘年浪遇春賈島天子

非常賜顏色高適山川猶覺露精神牛僧孺草承香

王孫長李紳樹發寒花禁苑新鄭愔絳帳青衿同日

貴石貫茅簷挂着紫荷巾韓翃

其四

千章隱篆標龍閣王初六義初吟得夜光王起詞藻

美湖詩選 七言律 五二 無異堂



世傳平子賦皇甫冉風流三接令公香李頎大川既濟

慚為楫盧懷慎御體行開荐壽觴馬懷素不惜流膏助僊

鼎張說居然自是漢賢良盧綸

其五

獨坐蒼冥啓玉關許攸九金神鼎重丘山杜牧文移

北斗成天象宋之問日繞龍鱗識聖顏杜甫看著鳳池

相繼入丘上常參官裏喜同班張籍雲間樹色千花

發明沈佺期風送高低便可攀陸龜蒙

其六

次第看花直到秋楊巨源臨風誰和鹿呦呦殷文圭雲霄

幸接鵷鸞盛裴翻詞賦曾誇鵷鴉流劉長卿三感至公

裨造化李宣古一門清貴動神州趙嘏文章立事須銘

鼎羊士諤誰羨當時萬戶侯貫休

其七

長樂鐘聲月下聞李頻連錢錦暗麝氛氳皮日休懸池

的的停華露張說北闕峩峩連翠雲沈佺期聖主好文

誰為荐皇甫曾史官調筆待儒勳殷文圭早知內詔過先

輩張籍綵服飄飄從冠軍楊巨源



其八

春卿署裏和歌來

孫逖

此日登臨曙色開

崔曙

菊浦

香隨鸚鵡泛

盧藏用

青門路接鳳凰臺

宋之問

侍臣最有

相如渴

李商隱

吏道何勞賈誼才

錢起

天上宴回聯步

武丘上

卻思金馬笑鄒枚

李紳

還家日覲老母

赤墀高閣自從容

溫庭筠

不省歸時見魯恭

于鵠

上國

休誇紅杏艷

劉滄

彩衣偏帶桂花濃

顏萱

清風刻漏

傳三殿

盧綸

丹鳳襪襪隔九重

韋莊

聞道慈親倚門

望

李嘉祐

醅醖歲歲滿千鍾

閻朝隱

依韻荅錢西頑

時為子直子厚約入龍眠講南華周易

昨歲江船柳岸新忘年野衲最情親還家瓢笠仍為

客入谷袈裟仗故人誰辨誅茆休行脚擬邀薄祿念

交貧風塵取次慚牛馬羨殺青山老逸民

其二

一卷南華足歲年注看郭向總徒然江山入句界中

晚點畫談天辨後先垂老該諧原遯跡不勞參學證

因緣錦囊柿葉憑藏好俸減他時勒石傳



張子執妹文納新寵時三月望日至自金陵予

方病足未得隨諸友索醉共賦香奩走筆寄

東三首

桃葉灣頭花滿天春風楊柳上江船波搖六幅光逾

遠黛點三山翠正鮮久已知無張跋怨昔跋欲娶妾以其妻歌白

頭吟諷之遂止子執此舉乃舍妹意也想應不獨少游憐石榴莫怯金

刀解烟煖藍田月正圓

其二

學繡鴛鴦菡萏池紫毫解寫竹枝詞長將錦瑟依雲

毋好譜新聲付雪兒小像沉香熏素腕同心梳子結

冰絲星明金屋娟娟麗分得珠光午夜時

其三

花王鶴夢珠吞久舍妹久洽熊夢九齡燕公之兆指日間事也公子鸞棲

錦疊新荳蔻正含香尚澁薔薇纔放露初勻繡幃難

學邯鄲步寶鏡遙思西子顰聞道有人窺玉女題詩

且問畫眉人

秋日宿山庄

處處歌聲起夕陽秋收爭趁晚晴忙果紅僻徑山杏



熟花白高田蕎麥香驅犂上場閒小犢打魚開網縱

新秧

里俗呼小魚為新魚秧

蓬茅無地容車馬門外松棚夜不

妨

其二

雨後潮添當戶川隔鄰倩買下江船青苔竟染堂西  
壁宿莽仍封塲上田臘醞甕從新秣貴戒牲婦幸伏  
雌全老農囑我為官去乞與官家減稅錢

東湖舟發

新汲滄浪試煮茶攤書欹枕快乘槎蓼垂紅影迎船

面菱惹香絲碍舵牙四合亂峯圍碧浦一星寒火出

漁家月生波底光難定天水融成玉鏡華

過三山子履子備子貞諸姪畱止齋頭

幾載秋帆逐雁飛過江行李即如歸竹抽孝筍林逾  
盛樹合荆花葉並輝上柵魚從蘆渚聚投藍蟹傍稻  
圩肥書樓一角波光滿早待清霜擬下幃

香奩詩

預為子貞賦

風起滕王九月天清波江上戲文鴛初成金屋溶溶  
暖親買明珠的的圓鸚鵡夢成鴻雁度芙蓉裙試菊



花鮮三山黛色如眉譜好畫雙灣一樣妍

江上聞十九弟望侯捷音喜賦三首寄懷

伯父仁風尚寶傳明珠爭卜未擎前  
唐年駒果稱千里子夜人惟守一編  
萱室彩陳玄鬢早松門花笑錦衣鮮  
江干親買題名錄勝得企泥不論錢

弟以唐生唐子捷

其二

自是神僊隊裏人氣須早貴愈恂恂  
瑶林盈砌枝皆秀鳳閣羣雛翼本親  
冬渡黃河表着重官居丹地馬騎頻  
才名第五原方駕大父雙飛歲正辛

叔祖副憲掌垣兩公

以前辛丑同登第五為五弟翼侯也

其三

我昨高秋覲九重乾清宮外列芙蓉  
鸞枝爾自棲金樹鰲島人期第一峯  
額減愈知才子貴令嚴彌感主恩濃  
西湖倍長扁舟與江雁先憑寄短封

江上遇伯兄放歸感賦畱別兼示炎牧象九齡

若有懷

江干又見黑貂殘道路因君淚亦彈  
別足屢驚三獻後愁腸寧遣九迴寬

伯兄年雖三十餘嚴維高弟才然已九戰棘闈矣



先達翼侯望侯俱及門早售引章八元事茂政居兄

遇豈難茂政皇甫冉字也皇甫兄弟才名相并冰鏡

未教玄髮變誰云終老釣魚竿

其二世所罕見

慈親望爾思逾切為爾茹荼苦最深豈必錦袍都悅

目獨憐焦尾乏知音羣饑望我沾微祿把臂諸君且

入林買得白魚黃酒熟船頭喝月夜潮侵

其三

雲黯風悲朔雁迴客途不必久登臺好收紅葉供題

句去赴黃花共舉杯岸幘醉歌雙槳樂江帆上下五

更開庭趨第道逢余好須慰慈顏學老萊

望金山時有防兵

扁舟曾此快追尋簫鼓層臺布地金瑤島忽添龍旆

護貝宮寧受蜃樓侵孤根雪浪千年吼一柱空江萬

舸心夜靜時聞傳畫角下方僧認海潮音

毘陵訪同年郭飲霞學博

菊綻江籬橘柚黃六年幽夢到池塘琅玕詩續蘭陵

句昔郭郎有寄李補闕詩題於桃李花沾有道香雪

長明詩選 七言律 五八 無異堂



憶三山同立迥雲分 雙闕暮飛長秋風忽駕剡溪

棹莫認門生過講堂 飲霞以乙未進士改授

其二

昨歲揚州一棹違鯨波未遣覲君闈 昨歲公車過維揚聞警候年伯

不忽憑桂蕊傳香處又喜棠花并影輝 舍弟望疾又與令兄又韓

同捷千里雁鴻新錦字兩家金玉舊烏衣 星明粉署

含雞舌早去為郎上紫微

訪楊靜山年伯 丁亥年伯館余于家執經門下者竟歲別齋頭十餘載矣昨秋

得附九搏太史南宮譜未頃以重九前五日奉謁

河汾席久越江津焦尾曾憐爨下薪 隔歲幸聯宮錦

隊十年舊侍絳紗人拜當階草看書帶飲傍籬花正

葛巾史學鯉庭傳獨切門生猶待走風塵

靜山年伯先數日之姑蘇悵然有懷

聞道先生吳下遊誰人得附李膺舟 豈因訪菊勞鳩

杖想為尋僧過虎丘立雪未能尋舊地問玄猶憶傍

清秋停橈徒切望洋思敢學門題鳳字畱

雨中夜泊虎丘

葦裏名山喜不勝意中今日可重登 芙蓉雨隔齋堂



磬楊柳烟屏寶拾燈繫艇溼愁枯坐客到門夢訪舊  
遊僧蘭橈自逐雞聲發石上青苔掃未能

入吳過訪華遜來同年止寓齋頭喜賦

高秋枕被共京華并馬穿香禁苑花半載池塘孤榻  
夢重陽風雨叩門槎看來籬菊寬離袂坐爾書帷當  
到家舊疾未消司馬渴新泉試煮虎丘茶

蔣兆侯過訪因拉步令侄新又越音園亭留同

華遜來王爾玉夜飲兼呈胤侯  
先一日見召已擬登舟致

辭

已謝招携北海樽又停蘭漿到名園小溪引客穿雲

竇舞鶴迎人亂月痕池瀆青泥培竹母石衣碧蘚傍

桐孫辟疆金谷何須羨一幅烟巒畫意存入刺編

其二  
園左有堂曰借綠園右交翠堂即新又越音下惟處

綠原近野名仍借翠久干雲影自交瓊樹香傳鸚鵡

夢琅玕枝并鳳凰巢信知仲蔚多幽徑敢擬揚雄續

解嘲  
時觀余拙集并引  
更把酒卮花下醉芙蓉含笑

露盈梢

同遜來爾玉泛舟虎丘訪退翁和尚蒙贈語錄



重上生公舊講堂千尋拾掃祖師香石龕對佛雲環

座瓦鉢隨身月吐光無恙名山龍幾疊同叅居士鶴

何方師問浮山巖洞追憶蔣揮空拂子靈巖獨觸處

機鋒白日長誰菴先生同游甚久

顧吏部松交先生過訪兼蒙見招以卽日解纜

賦謝

玉峯高峙絕躋攀荀令香分把袂間薛稷久疎廳事

鶴虎頭鬣戀畫中山雲霄深護危巢翼霜雪偏增翠

柏顏無賴秋潮催去艇武陵歸自啓花關唐薛稷為考功書

於廳事宋之間為之贊先生善畫頃以假歸有故人手多難惟先生是依也

棹發遜來同劉石卿送至金閭為別時余拉爾

玉偕遊會稽兼寄王念昔徐爾雅彭雲客黃

庭表鄒糴宮施爾恭張聖音朱天敘趙明遠

宋旣庭張天一吳公采周蓀宜盧定三姚茵

輝蔣兆侯新又越音章鶴書湘御諸子

已踐平原十日留木蘭催上百花洲河干柳待歸潮

早湖上楓連古驛秋正值客時添別夢最縈情是舊

同遊王郎幸有剡溪興莫似當年雪夜舟



醉後戲贈王爾玉  
 心事時憑醉裏傳  
 百花洲上百花僊  
 明蟾影度簫頭  
 鳳睡鴨熏分帳底  
 鴛帶縮丁香誰爲  
 結絲牽冰藕腸  
 相憐錢塘何處尋  
 蘇小欲向荒墳弔  
 暮煙

其二  
 其公采風蘇宜鹽安三嚴苗

歌臺又惹恨偏長  
 且倩東鄰繡紫囊  
 難免深秋悲宋玉  
 每逢寒食哭真娘  
真娘墓在虎丘山下寺中  
 蘭撓時向花源出  
 檀板新翻樂府香  
 只恐高樓人倚遍  
 自今天壤怨玉郎

晚泊同爾玉携酒石橋待月

危橋高俯晚村稀  
 也當登山送夕暉  
 桑下鋤完收豆後  
 蓼叢船動採菱歸  
 水光漸白漁燈出  
 嵐氣全青雁影微  
 待月月偏遲  
 不上醉歌忘却露侵衣

渡錢塘

記別錢塘近十年  
 笋輿又上木蘭船  
 潮迴沙渚白無岸  
 浪捲雲根青逼天  
 城內外看山欲下  
 帆高低處布同懸  
 王師濟日難憑信  
 射弩當時亦偶然

贈宋荔裳先生



綬縮銅符控紫駟風流兼領越諸州名高金筋相承

久用唐相才據鰲峯最上頭用宋學士祈事蓮幕鶴聲巖壑

靜畫旗龍影海天秋丹楓黃菊清霜月多少詩成庾

亮樓

其二

元禮由來道本尊登龍千里涉潺湲音傳石鼓雷門

近花注溪箋五洩源閑鎖印床延蠟屐時移茶竈坐

雲根爭看鳳閣求燕許好擬絲綸荅主恩

隣舟菊花

久負黃花客思遙隔船數蕊忽相招鬱金香泛芙蓉

水雕玉英搖桂子撓何處重陽非令節故拋三徑渡

寒潮最憐根畔青青草猶帶泥封護舊條

客西資蘭若贈德林恒觀二上人

戶遶清溪臙棹初石床分借蘚新除珠聯錦帙雲門

蹟錫振香林內史居德林之先師六如復與雲門王季重陳眉公諸先輩皆有贈言

手書心印遞傳流水淨秋龕半偈晚花疎辯才舊著

耽書僻曾建浮屠帖有餘德林藏名人詩字甚富頃復丐余昔辯才得蘭亭真

本人宗取之賚予特厚因建塔於雲門焉



與爾玉恒觀期遊雲門屢以雨阻感賦

雁宕棹因烽火返

庚寅客括蒼已買舟為雁宕游聞警而返

少林屐復雪

霜淹

丁酉冬過洛已訂游中嶽謂初祖於少林以每大雪決旬不得往霽為公車友拉入都矣

疑天如游人意豈是山怪詩伯緣寶樹種因王氏宅

青鞋詠自杜陵篇無端三日蕭蕭雨幾點高峯隔暮

煙

雲間寒巖僧雨中以詩畫見貽東謝

短杖連朝碧蘚封聽殘午夜寺樓鐘寒沙遠別華亭

鶴古鉢來尋禹廟龍吟隔西牕秋院溼墨堆北苑雨

山濃歸雲弟子應爭卜認取南枝第幾松

越州口號

巖壑奇從千載傳我來應又客星懸地豐林作時時

筓城滿河橋處處船寶塔燈明東晉火官衙山據越

臺巔芋蘿兒女薔薇妓曾否流風似昔年

其二

何必尋芳舊史中陽明高峙振宗風百金徐渭秋荷

葉半幅章侯醉野翁扇姥可能逢我貴墨池添得幾

人工陶劉文字倪祁節屈宋羣爭比遂東



人工自序薙簾吟附題  
 幾載奚囊雲外收  
 三都車馬五湖舟  
 水邊石上曾題遍  
 禁裏花前記勝遊  
 漫說江山神自助  
 敢云天地卷長留  
 有時醉向旗亭過  
 贏得雙鬟小妓喉

息柯亭晚眺

亭據治山東兩

凌空屐齒破蒼紋  
 石磴寒飈起夕曛  
 竹桂綠分新嶂翠  
 樓臺青入幾梯雲  
 出城晚稻平田熟  
 古堦疎鐘隔院聞  
 飛鳥遶林休倦羽  
 息柯猶記傍香芸

禹陵

為馮淨翁太君招同金仲星先生

殿閣峩峩峙翠微  
 百川源遶萬峯圍  
 松杉錦映衣冠色  
 日月光懸圭玉輝

禹于石匱得赤圭如日碧圭如月

窆石苔封無

鶴跡梅梁雲護待  
 龍歸鼎湖大壑蒼  
 梧野終古山容

帝子威

南鎮

秋聲落葉靜中間  
 一逕幽奇禹穴分  
 竹色入溪鳴綠玉  
 松頭出岫碍青雲  
 醮壇鸞影封香幄  
 古碣虫書蝕蘇文  
 一枕自清塵世夢

廟中所夢最為靈應

道人新供繡茅君

南鎮訪簫仙翁

僊翁為楚名進士棄官修道明全盛時即隱會稽四十年人未



知也昨歲有楚人來始畧得其行蹤計入  
登科日已近百年頃有三十歲矣

親歷邯鄲夢境奇嫌他夢後覺還遲乾坤未亂家先  
棄甲子全忘臘不知大坐一樓明月冷步虛雙屨白  
雲隨有時絕粒有時醉未見長鑊斲肉芝

其二

三十餘年越嶺蹤青松不改舊時容麻衣如雪身疑  
鶴丹鼎飛霞胎是龍雲夢別來銅狄換禹陵棲處玉  
書封山中最笑陶弘景猶炫聲名達九重

宋荔裳先生招同沈日觀月夜讌商家宰園亭

命賦

何必名園羨辟疆玉珂深自覓幽芳履聲猶憶尚書  
步花底新沾荀令香兔苑賦時詞客滿雪兒歌處舞  
雲長風簾不下冰輪上桂影婆娑玳瑁梁

其二

複閣凌空碧漢連珠窠銀榜夜光懸砌迴九曲花間  
石亭繫雙橈溪外舫翠幙莫驚鸚鵡夢鳳簫輕度鷓  
鴒天擬將詩畫圖巖激筆墨應慚繼輞川

其三



高歌携手最高臺，屐躡層雲破紫苔。御曲舊居詹事

上景隆中命羣臣賦詩選一首為新翻御曲惟留宋與沈詩後詔稱宋之問詩獨健舉沈詹事佗期遂

伏未敢爭孝廉於先生執弟子誼也梅花畱待廣平開，黛含香霧山微

露池接僊源，潮自來已到殊庭。瓊室內他人空，說小

蓬萊

其四

錦石為梁勢飲虹，芙蓉枝亞繡簾櫳。竹光如玉侵衣  
冷，樹影成峯映水空。何氏亭多邀杜句，習家池屢醉  
山公。勝遊名自傳千古，刺史風流幸與同。

蔣虎臣先生以紅葉詩五十章命敘漫為題贈

高枝玉露入秋吟，博得雲璈天上音。可似曲江探禁  
蕊，竟將彤管記霜林。風思人柳三眠暖，色并金蓮五  
夜深。暫許東山携蠟屐，丹楓偏稱史臣心。

其二

滿目胭脂集衆芳，恍疑桃李傍門墻。火齊珠映丹藜  
艷，蜀錦文披赤木長。賦笑子山徒寂歷，句嫌于祐托  
滄浪。綵毫漫擲芝泥字，早見鸞啣五色章。

寄懷嵇爾遐同年司李嚴州



深秋風冷紫蘭皋天外心驚朔雁號書札我同中散  
懶灘聲遙聽子陵高冰霜名共臺前柏湖海人荒徑  
裏蒿欲買扁舟乘夜雪渡江應笑容星勞

陳階六先生之官福州泊虎林余滯越不得送

別因胡元潤寄懷

熊旛遙映海天長青瑣人承丹詔光諫草忽虛梧竹  
地筆花新染荔枝香晴灘秋水霜凝鏡晚岸寒山月  
滿囊聞道使君官舫近孤鴻聲裏夢錢塘

柬祝山如

近市蕭蕭高士居堂前設帳戶盈車無田種林偏藏  
酒賣賦餘錢盡買書草色入春山屐遠蕉陰雷月夜  
吟虛杖藜數武頻相接一卷時分冰雪餘

贈龔子棟

子棟為前中翰今  
精星學果稱奇驗

幾年注易老江濱晉代曾推龔使神

晉隗炤善易曾  
以書版授妻子

云後當歲饑有詔使龔君來此亭曾負吾金可持此  
索之後龔果來見之惘然沉吟乃悟取著筮之日妙  
哉隗生知吾善易本自藏金  
以待太平乃于墻東掘取之昔是玉皇香案吏今同

天寶舊宮人風生四座清猿嘯雲遶千峯病鶴身欲  
買青山寄妻子只緣豐歲甌還塵



其二

我生宿直獨君知牛斗箕難似退之

坡公贈謝正臣詩云生時宿直

斗牛箕蓋本退之三星行云我生之初日宿南斗牛奮其角箕張其口

異數果逢新令

驗浮名深為故人期

丁酉冬予棟卜子巳亥當冠南宮後以

貧惟

圖畫供時好興戀湖山喜宦遲快續舊遊勞遠屐雨

風紅老杏花枝

贈繁昌劉駕甫明府

幾年並馬帝城中忻送南來鳧鳥風繞郭名花千

樹曉滿溪春雨隔江通琴鳴仙子山雲近玉立門生

帳雪同獨坐冰壺惟飲水爭知劉寵橐常空

金陵晤葉紫賓明府

紫賓為吾邑令已亥寇至功在固圉孤城凡全尸祝

甚眾乃以小事獲罪至今尚羈省會相晤惘然

李廣侯封怨莫禁翻驚投杵惜曾參孤臣功掩中山

久 聖主恩虛麟閣深風雨荒祠淹蠟屐江湖寒枕

剩殘琴東亭知己惟希祖故國心傷舊樹陰

解戶部蘭石先生在顧以綾索畫賦贈

時奉命西新

郎宿南紆東顧憂珠糝坐運足遑籌桃花無恙歌桃

葉石丈移來對石頭庚癸不呼搜盡苑丙丁分籍擁



書樓唐玄宗書分丙丁淳化中張郁張正父并州刀  
子為戶部世尚儒學遂號戶部書樓

江上七夕

天上懽逢良會期曾知野岸旅人思  
機中空費迴文字蓬底難吟乞巧詞  
波如彩雲光忽亂星搖錦浪影  
還移銀河未必如江濶客夢翻從鵲駕迷

客中閏七夕

新秋纔向鵲橋過又說雙星再渡河  
好事人間期屢誤今年天上巧偏多  
彩絲重結鍼樓婦素影疑遲月

殿娥牛女一心惟祝閏每逢七夕閏如何

中秋客春野亭看月

碧波如洗夜光生難得中秋景倍清  
寶鏡不分江上下素娥偏照淚縱橫  
孤桐冷墜銀床葉一雁遙寒佛閣聲  
今夜城南砧杵歌幾人看月到天明

春野亭晚眺

石上携僧話夕曛瀾空詩思觸愁分  
青開谷口先嘶月白東山腰欲切雲  
帆影漸低深柳下鐘聲齊向老松聞  
何人領取蒼茫意早閉城闔市火紛



春穀道中口占

畫圖堪染句堪題曲曲崗巒望欲迷松竹坡斜茶樹  
老柏桐叢密芋麻齊碓支急澗棚春紙泉引高田石  
作隄山下酒帘魚菜賤塾童歸飯午雞啼

朗陵東明府姚道子同年

短羽經秋托雁行入城還勝水雲鄉環衙老樹叢叢  
圃當戶荷花處處塘雙鳥影中千頃月七絃聲裏四  
時香雪堆莊不須錢買石室風流已擅塲

香山云待將官滿去

擬買雪  
准莊

客中九日雨陳義臣招同劉西來劉君因小飲

寓樓薄暮西來招校書至

幾年九日滯天涯每笑天心妒菊花客意邴堪高處  
望故鄉翻倩濕雲遮何人不負籬邊約輸我懽同閣  
上賒十二巫峯行已暮忽驚神女到章華

寄虞山牧翁錢先生

夢裏虞山席正遙幾年未上木蘭橈白頭舊史歸宗  
伯血淚編珠續列朝小閣秋深延夕照高峯天外落  
寒潮瑯玕手種孤生竹老檜星星共不凋

虞山有七星檜爲梁



時物

其二

哀音未許聽箜篌  
一代風烟涕淚收  
歲晏漫勞書甲子  
詩存何必作春秋  
梅花亭畔閒招鶴  
菰蔣汀邊久狎鷗  
爭指丹梯高莫並  
他時親上絳雲樓

為先生著書處

其三

時予以長吉註及詩畫寄政並為拙集請序

賦就先須玄晏文  
恐疑僖父漫紛紛  
新昌谷千年血試  
染龍眠半嶺雲  
書上朝宗勞引譽  
馬思伯樂欲空羣  
詞章應自師先輩  
筆視何為浪說焚

其四

莫向詞源歎逝川  
迴瀾當代杜陵篇  
東西京後無鍾呂  
南北朝來剩粉鉛  
腕底江山塞益好  
意中衣鉢許誰傳  
從前吟罷從今學  
尚早滄洲十六年



Large stylized seal script characters, likely a library or collection stamp, possibly reading '文淵閣' (Wenyuan Pavilion).



Faint vertical text in seal script, possibly a title or a note, partially obscured by the large stamp.



